

Qishloq hayoti

O‘ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2022-yil 1-dekabr, payshanba

№ 46 (9210)-son

e-mail: infoqishloqhayoti@mail.ru

@Qishloqhayoti_gazetasi

Қарор ва ижро

ИСТИҚБОЛЛИ ЛОЙИХА САМАРАСИ

Ўзбекистон Республикаси Вазирлар Маҳкамасининг 2019 йил 18 июндаги “Сирдарё вилоятида агросаноат кластерини ташкил этиш чора-тадбирлари тўғрисида”ги қарори таркибий ислохотларни янада чуқурлаштириш, қишлоқ хўжалигида ишлаб чиқаришни ривожлантиришга тўғридан-тўғри инвестициялар жалб этиш, юқори қўшилган қийматли рақобатбардош маҳсулотларни етиштириш ва чуқур қайта ишлашни ташкил этишда муҳим аҳамият касб этмоқда.



Ўзбекистон Республикаси Қишлоқ хўжалиги вазирлиги ва “Industrial Innovation Group LLC” компанияси (Бирлашган Араб Амирликлари) ўртасида 2019 йил

20 март куни Инвестициялар тўғрисида битим имзоланган. Унга кўра, 181,9 миллион евро миқдорда тўғридан-тўғри хорижий инвестицияларни жалб этиш ҳисобига



Сирдарё вилоятида таркибида целлюлоза мавжуд бўлган қишлоқ хўжалиги экинларини етиштириш, хомашёни чуқур қайта ишлаш ва рақобатбардош, экспортбop маҳсулотларни ишлаб чиқаришни ташкил этиш назарда тутилган.

Ўзбекистон Республикаси Қишлоқ хўжалиги вазирлиги, Инвестиция ва ташқи савдо вазирлиги, Сирдарё вилояти ҳокимлиги ҳамда “Industrial Innovation Group LLC” компанияси ҳамкорлигида Сирдарё вилояти Ховос туманида агросаноат кластерини ташкил қилиш лойиҳаси амалга оширилди.

Агросаноат кластери илғор илмий ютуқларни, целлюлоза мавжуд бўлган ва бошқа қишлоқ

хўжалиги экинларини етиштиришнинг замонавий ва самарали услубларини, илғор агротехник ва сув тежамкор технологияларни жорий этиш, тўғридан-тўғри хорижий инвестицияларни жалб этган ҳолда каннабис ҳамда зигир толаси ва уруғини қайта ишлашнинг самарали усулларини ва уларни чуқур қайта ишлаш технологияларини жорий этиш ва рақобатбардош, экспортбop маҳсулотларни ишлаб чиқариш, қишлоқ хўжалиги экинларининг янги навлари ва дурагай уруғларини яратиш бўйича тадқиқотлар ўтказиш йўналишларида фаолият олиб боради.

Агросаноат кластерида каннабис ўсимлиги селекцияси ва

уруғчилигидан тортиб, уни қайта ишлаб, тайёр экспортбop маҳсулотлар ишлаб чиқаришгача бўлган қўшимча қўшилган қиймат занжири яратилган. Бу ерда 226 нафар ходим доимий ва 66 киши мавсумий ишлайди.

Куни кеча 2022 йил ҳосилидан олинган “Leodar” каннабис ёғининг тақдимотиға бағишланган технологик кўргазма ўтказилди. Унда Сирдарё вилояти ҳокими вази фасини бажарувчи Акмалжон Маҳмудалиев ва Бирлашган Араб Амирликларининг Ўзбекистондаги Фавқуллод ва мухтор элчиси, доктор Саид Матар Ал-Қамзий ва бир қатор расмийлар иштирок этди.

(Давоми 3-саҳифада)



ТИЗИМЛИ ИСЛОХОТЛАР

АГРАР СОҲА РИВОЖИДА ҚАНДАЙ НАТИЖАЛАР БЕРЯПТИ?

Сув таъминоти оғир ҳудудлардаги аҳоли томорқаларини сув билан таъминлаш мақсадида артезиан қудуқлари қазиб, фойдаланишга топширилди. Бунинг учун 2020 йилда 956 млн. сўм, 2021 йилда 3,3 млрд. сўм, жорий йилда эса 4,6 млрд. сўм субсидия маблағлари ажратиб берилди. Натижада 2,3 мингдан ортиқ хонадоннинг 175 гектар томорқаси обиҳаёт билан таъминланди. Бу майдонларда ўз истеъмоли ва ички бозор учун мўл-қўл қишлоқ хўжалиги маҳсулотлари етиштирилиши йўлга қўйилди. Томорқачига моддий ресурсларни етказиб берадиган “Томорқа хизмати” МЧЖлар сони беш йил ичида 18 тадан 355 тага етди. Улар негизда аҳолига комплекс хизмат кўрсатувчи 7 та томорқа кластерлари фаолияти ҳам йўлга қўйилди.

(Давоми 2-саҳифада)

ҚИШЛОҚ ХЎЖАЛИГИДА ЕР, СУВ РЕСУРСЛАРИДАН САМАРАЛИ ФОЙДАЛАНИШНИНГ

ЯНА ҚАНДАЙ УСУЛЛАРИ БОР?

Сув хўжалиги вазирлигида “Қишлоқ хўжалигида ер ва сув ресурсларидан самарали фойдаланиш” мавзусида семинар ўтказилди. Тадбир Европа Иттифоқи томонидан молиялаштирилаётган, БМТ Тараққиёт Дастури (БМТТД) ҳамда Ўзбекистон Республикаси Қишлоқ хўжалиги вазирлиги ҳамкорлигидаги “Қишлоқ хўжалиги ва озиқ-овқат секторининг яшил иқтисодиётга инклюзив ўтишини қўллаб қувватлаш ва иқлимга йўналтирилган қишлоқ хўжалиги билимлари ва инновацион тизимини ривожлантириш (EU-AGRIN)” лойиҳаси доирасида ташкил этилди.

Унда Қишлоқ ва Сув хўжалиги вазирликлари, БМТТД лойиҳаси, “Тошкент ирригация ва қишлоқ хўжалигини механизациялаш муҳандислари институти” миллий тадқиқот университети, Ирригация

ва сув муаммолари илмий-тадқиқот институти, Тошкент, Фарғона ва Қашқадарё вилоятлари ҳокимликлари ва у ерда фаолият олиб бoрувчи AKIS агро хизматлар марказлари ҳамда қишлоқ хўжалиги

соҳасида фаолият олиб бoрувчи олий ва ўрта махсус ўқув юрлари, илмий-тадқиқот институтларининг соҳа мутахассислари ва ННТлар вакиллари иштирок этди.

(Давоми 2-саҳифада)



КОНСТИТУЦИЯВИЙ ИСЛОХОТЛАР ЖАМИЯТ ҲАЁТИНИ ЯХШИЛАШГА ХИЗМАТ ҚИЛАДИ

Конституция давлат сиёсий, иқтисодий ва ижтимоий ҳаётининг асосларини белгилаб беради, фуқароларнинг эркинликлари ва ҳақ-ҳуқуқларини ифодалайди. Шу боис барча мамлакатларда ушбу ҳужжатнинг қабул қилинишига, унда акс эттирилган норма ва қоидаларнинг рўёбга чиқарилишига алоҳида эътибор қаратилади.

Ўзбекистонда ҳам мамлакат Конституцияси фуқаролар томонидан инсон эркинликлари ва ҳақ-ҳуқуқларини таъминлайдиган, жамият ва давлат тараққиёти учун пойдевор яратадиган, жамият аъзоларининг муносиб турмушини қарор топтиришга хизмат қиладиган муҳим ҳуқуқий ҳужжат сифатида қадрланади. Масаланинг яна бир аҳамиятли жиҳати шундаки, ҳар қандай жамиятда Конституция ижтимоий тараққиёт суъратларига таъсир кўрсатадиган муҳим манба вази фасини ҳам ўтамоғи даркор.

(Давоми 2-саҳифада)



ҲАР ЙИЛИ ДУНЁДА

2 МИЛЛИОН 700 МИНГ КИШИ ОДАМ САВДОСИ ҚУРБОНИГА АЙЛАНАДИ

Одам савдоси давримизнинг асосий муаммоларидан бирига айланиб улгурди. У глобал хавфсизликка, жамият барқарорлиги ҳамда жаҳон ҳамжамиятига таҳдид солаётган жиноят ҳисобланади. Ушбу жиноят ўзининг хавфлилик даражаси бўйича ноқонуний қурол-яроғ савдоси ҳамда нарқобизнес каби трансмиллий уюшган жиноятлар билан бир қаторга қўйилади. Халқаро жиноятчиликнинг бундай кўринишлари республикамизни ҳам четлаб ўтмаган. Одам савдоси қурбонлари хорижий мамлакатлардан элчионалар орқали минг азоб-уқубатда қайтарилмоқда. ОАВ орқали уларнинг тавба-тазаррулари намоиш этилмоқда.

(Давоми 3-саҳифада)

ОБУНА МАВСУМИ ДАВОМ ЭТАДИ!

АЗИЗ МУШТАРИЙЛАР, “ҚИШЛОҚ ҲАЁТИ”НИНГ КўП ЙИЛЛИК ҚАДРДОНЛАРИ, ҲАМФИКРЛАРИ, ҲАМКОРЛАРИ!

Бугун ўзингизга яхши маълумки, юртимизда кейинги йил учун даврий нашрларга обуна уюштириш даври. Бу давр шундай ўтмоқдаки, газетанинг жамиятдаги ўрнига бефарқ қараш, унинг хизматини шубҳа остига олиш каби негатив қарашли фикрлар ҳам қулоғингизга чалиниб тургандир? Бундай ҳулосалар аллақачонок бутун дунёда, хусусан, юртимизда ҳам асоссиз фикрлар эканлиги ўз тасдиғини толиб бўлди. Бугун газета ва унинг муштарийси ҳамфикр бўладиган пайт келди. Газета ҳеч қачон Сизнинг беминнат ҳаммаслагингиз бўлиш ниятидан воз кечмайди. Сизнинг ҳам ўз хизматинингизга беминнат киришувчи нашрингизни маҳкам кучиб, қўллайдиган пайтингиз бугун. Биз Сизга ишонамиз. Шу мақсадда бугун давом этаётган обуна мавсумида қарийб 50 йил давомида ҳаммаслагингиз бўлган ўз нашрингизга обуна бўлишда асло иккиланманг! Сиз обуна бўлиб, ўз-ўзингизга бир йил давомида маънавий-маърифий дастёрингиз, фаолиятда кўмакчингизни танланг.

“ҚИШЛОҚ ҲАЁТИ” Сиз билан

ОБУНА ОБУНА УЮШТИРУВЧИ ТАШКИЛОТЛАР ВА ТАХРИРИЯТ ОРҚАЛИ АМАЛГА ОШИРИЛАДИ.

Тахририят билан боғланиш учун телефон рақамлар: 71-233-40-87, 71-233-09-93, 71-233-28-04, 95-080-43-70, 99-050-69-45, 90-317-19-16.



